

中

興

禮

書

中興禮書第一百三卷

吉禮一百三

朔祭太廟別廟

建炎四年十月四日權太常少卿鄭士彥奉詔差護從宗廟神主往温州奉安其饗奉為禮器未備每遇月朔五饗欲省簡用酒脯行禮今相度乞令温州疾速添修合用禮器候齊足日乞依昨來洪州禮例用牲牢禮料等行禮及自來朔祭係監察御史一員檢察祠官執事人不恭及禮料器幣不如禮者奏劾今欲就令護從神主太常少卿檢察詔依

紹興元年四月十六日禮部太常寺言今來太行隆祐皇太后崩檢會景德四年故事太廟及中祠並權停候

園陵畢日仍舊令依故事施行詔依

四年七月七日禮部言準都省批下太廟景靈宮提點奉迎所申朔祭祝版欲乞依舊例令秘書省今年十月朔為始預行書寫一歲合用祝版進詣御名降付本所仍空所遣官御位年月時令依例令吏部差使臣一員管押前來詔依

五年二月十四日太常寺言太廟別廟朔祭行禮係合食止排辦一十一室依舊來條例每室各用羊一口共用一十一口昨奉迎神主於揚州奉安係建炎二年指揮省簡排辦共用羊六口比舊係減五口詔依舊來體例施行

六年十月八日禮部太常寺言今宗廟神主未正奉安

遇朔日止係太常寺官燒香詔條具申尚書省續臣僚

言近歲時饗徒以有請勿殺牛者至三牲不備而謂之

隨宜況此歲視承平時固已不勝其簡尚忍盡棄而不

舉哉願明詔禮官參稽典禮必宜於今舉而行之詔依

今開具申請內一項朔祭太常卿一員以太常寺卿監

察御史一員乞依自來光祿卿一員以太常寺卿奉禮郎太

祝太官令各一員並乞牒平江府差文臣官闡令六員

二員就差本廟官四員伏乞朝廷詳酌施行詔依

七年閏十月六日禮部言准批送下權太常寺卿馮攝

等劄子勘會已迎奉祖宗神主赴太廟奉安訖依禮例

合舉行月朔薦饗之禮又緣見在聖文仁德顯孝皇帝

未祔廟之內權停祭饗今檢會明德皇太后故事景德

元年三月崩至六月宗正卿趙安易言來月朔日詣太廟元德皇后廟備牙盤食薦享不出神主以皇太后梓宮在殯宗廟久闕薦享故也本寺契勘今來停宗廟薦享日久欲依故事遇朔日令本寺官詣太廟別廟行上食燒香之禮後批送禮部勘當本部勘當從遇朔日且令太常寺官詣太廟別廟行燒香之禮詔依

十二月十七日行在太常寺言已降指揮來春復幸浙西太廟神主先次進發今條具事件內沿路遇朔日依禮例係本寺官於神主前燒香俟到行宮令太常寺報太史局擇日奉安依時舉行祭饗詔依

二十六年九月二十四日禮部太常寺言今年十二月一日臘饗太廟別廟同日又係朔祭日分檢會宋朝會

要淳化三年十月八日太常禮院言今年冬至親祀南郊前一日朝饗太廟前二日奏告宣祖太祖室伏緣自來每遇親祀承例更設朔望兩祭乃是十一月內三祭太廟兩室又行奏告之禮煩則不恭懼非孝思之意當院檢尋故事太平興國六年嘗罷臘饗求之典禮亦無明文竊緣十一月二十日皇帝朝饗去臘享月日相隔寔非煩數欲望權停十一月朔望之祭其臘享如常行禮從之契勘今來十二月一日若先行朔祭又行臘享之禮顯是煩數自來未有一日之內行兩祭者今依故事止行臘享權停當月朔祭詔依

二十九年九月二十二日禮部太常寺言大行皇太后上億今參酌到典故數內自舉哀至祔廟停宗廟祭饗詔依

三十一年五月二十二日權禮部侍郎金安節等言孝  
慈淵聖皇帝升遐自舉哀至附廟停宗廟祭饗并中小  
祠詔依

乾道三年九月六日禮部太常寺言勘會今年十一月  
二日郊祀大禮前一日皇帝朝享太廟同日又係有司  
行朔祭日分若至日行朝饗禮又行朔祭之禮委是煩  
教欲乞依禮例權停十一月一日朔祭詔依

六年三月九日禮部太常寺言准尚書省劄子秘書少  
監李燾丞唐孚秘書郎李木劄子本省每修寫太廟朔  
祭及四孟薦饗祝版神宗皇帝祝文內欽聖憲肅皇后  
向氏欽慈皇后陳氏皆稱皇曾祖妣唯欽成皇后朱氏  
即不稱皇曾祖妣竊慮當時別有典故尋取會太常寺

去後據本寺報今檢照得係崇寧元年二月十六日崩  
追尊為皇太后諡曰欽成當時不稱皇妣至建炎年間  
不稱皇祖妣今來不稱皇曾祖妣本省別無典故該載  
竊見哲宗皇帝祝文內昭慈聖獻皇后孟氏昭懷皇后  
劉氏皆稱皇伯祖妣與前件祝文不同伏望朝廷行下  
禮部太常寺重行指定因依以憑遵守詔依今檢照得  
欽成皇后朱氏係崇寧元年二月十六日追尊為皇太  
后諡曰欽成所有今來每遇祭饗合用祝文等並合欽  
聖憲肅皇后欽慈皇后體例稱呼詔依二十二日禮部  
侍郎劉章等劄

子欽成皇后稱皇祖妣合奏告太廟別  
廟景靈宮諸殿并兩掖宮詔恭依

朔祭太廟別廟儀

齋戒



前祭一日質明行事執事官赴祠所致齋唯祭事得行其餘悉禁官給酒饌祭官已祭而闕者通攝行事

陳設

前祭二日有司牽牲詣祠所前一日宮闈令帥其屬掃除廟之內外有司陳牲於東神門外西向祝史各位於牲後太常設首牲位於牲西太常卿在道南北向監察御史光祿卿奉禮部太祝太官宮闈令在道北南向西上設禮饌於東神門外稍北南向設首饌位版于禮饌之南太常卿在南北向監察御史在西東向光祿卿奉禮部太祝太官宮闈令在東西向北上凡設奉禮部以下位皆稍却祭日丑前五刻禮直官贊者諸司職掌各服其服宮闈令入殿開室整拂神幄帥其屬掃除鋪筵在室內北牖

下南向凡在筵上如常儀太常幣篚各於神位前之

左帶以祝版各於神位之右置於坵次設祭器皆藉以

席實之每室左二十有六籩為四行以右為上第一行

前粉資次之第二行麩在前黃白黑形豉醢鮓魚鱠次

之第三行乾麥在前濕麥在前濕黍乾桃乾桃濕梅乾

次之第四行菱在前芡稟鹿脯菱右二十有六豆為四

行以左為上第一行配食在前糝食次之第二行韭菹

次之第三行葵菹在前鹿醢脾析麇醢大蛤蚘醢豚拍

魚醢次之第四行芹菹在前兔醢深蒲醢醢藿藿醢

菹次之一在豆前實以羊熟十一體肩胛肫肫肫正脊一

在中一在豆前實以羊熟十一體肩胛肫肫肫正脊一

皆二以並肩胛肫在上端又俎三在豆右為三重以北

為上第一重實以羊首第一重實以羊脰腸胃肺第三

重實以羊熟腸第一重實以羊脰腸胃肺第三

胃肺其載如星第一重實以羊脰腸胃肺第三

豆外二俎間簋在左盞在右盞實以稻前盞實以黍稷後在黍前登一在

遠之左實以肝管槃一在戶外稍東實以毛血設罍於殿上為二

重著尊二加勺罍為上尊一實元酒一實酌之壺尊二一實

元酒一太尊二一實泛齊一實醴齊山尊二一實盞齊犧尊二一實

況齊一象尊二一實昔酒一實清酒罍皆實以明水俱北向西上

加幕皆設而不酌太常設燭於神位前洗二於阼階下

直東嚮北向盞洗在東罍洗在西罍在洗東加勺籩在洗西南肆

實以巾若爵洗之籩則又實以爵加站執鬯籩者位於其後設揖位於

東神門外如省牲位開瘞坎於殿西階之東方深取足

容物南出陞設望瘞位於其南如省饌位唯不設光祿

今設太常卿席位於殿下東階之東南西向監察御史

席位於殿庭之南北向奉禮郎太祝太官令位其後西

上光祿卿席位於監察御史之東北向又設監察御史位於太廟及別廟殿上前楹西東向奉禮郎太祝東西向北上太官令於酌尊所北向

省饌

前祭一日行事執事官集太常卿齋所肄儀太祝習讀祝文及眠幣訖次禮直官贊者分引行事執事官詣東神門外省牲位立定禮直官贊揖訖次引太祝出班巡牲一匝詣太常卿前西向躬曰充退復位太官令出班巡牲一匝詣太常卿前西向躬曰賸退復位禮直官贊省牲畢請詣省饌位揖訖引行事執事官詣省饌位立定禮直官贊揖所司省饌具畢禮直官贊省饌畢揖訖俱還齋所次太祝以次牽牲詣厨授太官令次引監察

御史詣厨省鑊賦祭器滌漑未後一刻太官令帥宰人  
以鶩刀割牲祝史以槃取毛血各置於饌所遂烹牲脯  
後宮闈令帥其屬掃除廟之內外訖還齋所

行事

祭日丑前五刻

行事春冬用丑時七刻夏秋用丑時一刻

祠祭官引宮闈令

入詣殿庭北向上

凡官闈令行

祠祭官曰再拜宮闈令

再拜升自西階

凡行事執事官升降自西階

開室整拂神幄帥其屬

掃除退就執事位次太官令帥其屬實饌具畢次引光

祿卿入詣殿庭席位北向立贊者曰再拜光祿卿再拜

升殿點視禮饌畢次引監察御史升殿點閱陳設糾察

不如儀者

凡點視及點閱皆先詣俸祖室以至次室及別廟

光祿卿還齋所餘

官各服祭服次引行事執事官詣東神門外揖位立定

禮直官贊揖次引監察御史奉禮郎太祝太官令入就

殿下席位北向立次引太常卿入就殿下席位西向立

祠祭官於殿上贊奉神主次引宮闈令入室措笏於祠

室內奉帝后神主設於座

奉神主請神牲內於几後置設於座以白羅巾覆之

用青羅巾執笏退復執事位祠祭官於殿上贊奉神主訖禮

直官稍前贊有司謹具請行事贊者曰再拜在位者皆

再拜次引監察御史奉禮郎太祝太官令升殿各就位

立定

太官令就僖祖位酌所

次引太常卿詣盥洗位北向立措

笏盥手悅手執笏升殿詣僖祖室神位前北向立措笏

跪次引奉禮郎措笏西向跪執事者以幣授奉禮郎奉

禮郎奉幣授太常卿訖執笏與先詣宣祖神位前西向

立太常卿受幣奠訖執笏俛伏興出戶外北向再拜次

詣宣祖室太祖室太室宗室真宗仁宗室英宗室神宗  
室哲宗室徽宗室欽宗室次降西側階詣別廟升西階  
詣懿節皇后室安穆皇后室安恭皇后室奠幣並如上  
儀訖降東側階由東廊俱復位次引太祝詣僖祖室戶  
外之西東向立少頃引太常卿再詣盥洗位北向立搯  
笏盥手悅手執笏詣爵洗位北向立搯笏洗爵拭爵以  
授執事者執笏升殿詣僖祖室酌尊所西向立執事者  
以爵授太常卿太常卿搯笏跪執爵執事者舉冪太常  
官令酌著尊之醴齊訖先詣宣祖室酌尊所北向立  
太常卿以爵授執事者執笏興入詣僖祖室神位前北  
向立搯笏跪執事者以爵授太常卿太常卿執爵祭酒  
三祭於茅苴奠爵執笏俛伏興出戶外北向少立太祝

搢笏跪讀祝文訖執笏興先詣宣祖室戶外東向立太常卿再拜詣每室及別廟行禮並如上儀俱復位祠祭官於殿上贊奉神主入祔室次引宮闈令搢笏奉帝后神主入祔室宮闈令先奉匱置於神座納神主於匱訖捧匱入祔室執笏退復位祠祭官於殿上贊奉神主入祔室訖次引太常卿詣望瘞位有司詣室取幣置於坎次引監察御史奉禮郎太祝就望瘞位立定禮直官曰可瘞寘土半坎本廟宮闈令監視別廟幣帛本廟宮闈令監視次引太常卿以下詣東神門外揖位立禮直官贊禮畢揖訖退太官令帥其屬徹禮饌監察御史詣殿監視收徹訖退宮闈令闔戶以降乃退太常藏祝版於

匱



中興禮書第一百四卷

吉禮一百四

薦新太廟別廟儀

時日

每月太常寺關所司有新物報太常寺孟春韭雞卵葍仲春水季春筍蒲鮪魚含桃如鮪魚闕代以魴鯉孟夏彘大麥仁小麥麩仲夏雞黍瓜季夏芡菱孟秋粟稷粢秠仲秋麻稻季秋菽兔栗孟秋冬鴈仲冬麇季冬魚若時運有後先物有成有早晚如含桃三月當薦或萌實未成轉至孟夏當至孟夏薦

薦獻日散告

陳設

前一日有司設新物於太常卿齋所至日以行事設滌

豆於每室戶外以新物實之

每室五春豆三實以韭葑  
卯仲春豆一實以水季春

豆三實以筍蒲鰯魚鱸

一實以含桃孟夏一實以瓜季夏

由大小麥仲夏豆二實以雞黍黍一實以瓜季夏

二實以菱栗孟冬豆一實以鴈仲冬

豆一實以鷹季冬豆一乃實之以魚

東嚮北向壘在洗東加勺篚在洗西南肆實以巾設太

常卿席位於殿下東南西向

### 省饌

前一日祠祭官引宮闈令詣太常卿齋所同眠新物應饌者有司詣厨省饌以時帥其屬臨造

### 行事

新日祠祭官引宮闈令先入設殿庭北向立祭官曰再

拜宮闈令再拜升自西階凡行事執事官升階皆自階間室室不出神主帥其

屬掃除退就執事位次有司實新物畢禮直官引太常

卿常服入就殿下席位西向立贊再拜太常卿再拜次引詣盥洗位北向立措笏盥手悅手執笏升殿詣僖祖室戶外措笏執事者以新物授太常卿太常卿受新物奉入詣神位前北向跪奠執笏俛伏興戶外北向再拜次詣宣祖室太祖室太宗室仁宗室英宗室神宗室哲宗室徽宗室欽宗室別廟懿節皇后室安穆皇后室安恭皇后室行禮並如上儀降復位少立退官闈令闈戶降退

中興禮書第一百五卷

吉禮一百五

景靈宮一

建炎元年五月二日詔江寧府修景靈宮諸帝諸后共  
作一殿

四年八月二十日景靈宮主管所狀勘會景靈宮諸殿  
神御昨承聖旨迎奉赴湖州天慶觀推行奉安緣湖州  
四面湖水闊遠別無陸路乞於福建廣南荆湖南北江  
西兩湖東路選一穩便州軍領預先擇日迎奉神御前  
去推行奉安詔令迎奉前去温州奉安

紹興元年正月十一日禮部太常寺言准都省批下温  
州申本州見奉安景靈宮等處神御每遇旦望節序生

辰忌辰排辦酌獻送禮部太常寺言官擬定申尚書省  
勘會見奉安景靈宮萬壽觀會聖宮章武殿神御每遇  
旦望節序生辰忌辰並各合酌獻即係同日一時四處  
酌獻顯是煩數今擬定除景靈宮諸殿神御自合每遇  
旦望節序生辰權令逐處主管官燒香詔依

八月十六日景靈宮主管所狀知温州林之平劄子奏  
本州見奉安景靈萬壽觀會聖宮章武殿祖宗神御分  
寓四處而歲時薦享之際不無煩黷欲望就擇一爽塏  
雄麗可為宮殿處所迎奉神御併就一處奉安詔依今  
林之平同主管官條具申尚書省勘會本宮神御即今  
見在開元寺權行奉安萬壽觀會聖宮章武殿神御已  
併在萬壽觀並在天慶宮一處權行奉安欲乞令温州

知通選日奏告移迎萬壽觀會聖宮章武殿神御併就景靈宮於開元寺趙那佛殿奉安詔依

十一月一日詔萬壽觀會聖宮章武殿神御仍併入景靈宮差岑瑩主管迎奉

六日差祠部員外郎向宗厚充逐處提點官

又奉詔旨已差內侍

者押班岑瑩前去充主管迎奉温州景靈宮等處神御其德行移文字與向宗厚同御申發其餘內侍不得一

發行移申發文字

三年五月八日禮部太常寺言勘會見差官塑製昭慈聖獻皇后神御將來迎奉赴温州景靈宮合於昭懷皇后神御之上奉安詔依

十四日禮部言見塑製昭慈聖獻皇后神御其奉冊寶候迎奉日一就前去仍乞令温州長吏率見任温州宗

室南班官前導立班詔依

九月二十四日權太常少卿充神主神御提點江端友  
言臣至景靈宮瞻視列聖神御次至後殿竊見會聖宮  
神御通天冠有損動傾側者仁宗皇帝神御肌粉脫落  
色沒遂體問得昨自西京迎奉在路雨濕及渡江泥水  
霑漬其元舊冠徃徃去去失逐急權時造作充代既至  
温州三經梅雨蒸潤是致損動本所曾於去年閏四月  
內奉乞重別造冠并裝飾衣紋蒙送禮部勘當稱温州  
係權奉安乞候將來正奉安日製造臣愚竊以謂國家  
崇奉祖宗神御務極嚴肅尋常赦令前代祠廟猶許修  
飾況列聖神御不容以權奉安為辭實未足以副陛下  
孝思之心欲望特降睿旨下所司製造通天冠八頂降

付本所奏告換易及還差工匠前來添補肌粉雅飾衣紋詔依奏令本所先次開具合用物料并緣畫樣制申尚書省

五年六月二十八日太常寺言准尚書省批下温州并景靈宮主管奉迎所狀為列聖神御通天冠顏色損剝色沒合行添補肌粉雅飾制度批送太常寺看詳申尚書省今具下項 一檢准五禮新儀通天冠二十四梁犀簪導加金博山附蟬今來温州并景靈宮主管奉迎所畫到通天冠樣制即未應二十四梁之數及中間合加金博山處却用紅地施龍仍太高掩蔽梁數亦無附蟬未應制度本寺看詳二十四梁係通項卷向後其博山係於中間所畫紅處合用金色圭首不徹頂不與二



十四梁通卷所附金蟬即綴在博山之上 一行在造

通天冠畢乞差內侍一員迎奉前去候到温州令景靈

宮主管奉迎所擇日報温州差官行禮及排辦奏告告

遷候雅飾了當却行奏告奉安 一換戴頭冠并添補

雅飾衣紋用工日奏告并雅飾畢奏安各合用御封降

真香乞從本寺具合用數闕入內內侍省請降 一合

用祝文三首 一首述以添補雅飾衣紋告遷時前奏告之意一首述以換乞令學士院修撰進書訖降付入內

戴頭冠奏告之意 內侍省就降香人齋往 一奏告奉安并換戴頭冠並

候香祝到景靈宮主管奏迎所擇日報温州一面依禮

例行禮詔列聖神御通天冠依具到徑圍尺寸令太常

寺指說文思院製造合用物料仰臨安府疾速收買錢

申戶部支降其計料到添補肌粉雅飾衣紋物料令温州於係省錢內收買應副仍差顧會解匠人餘依

七月二十六日內侍譚琛狀准差迎奉温州列聖神御通天冠八頂前去所有合行事今具申請下項 一今

來所差迎奉温州列聖神御頭冠係崇奉祖宗服御之物乞以主管奉迎温州神御頭冠所為名下禮部權

借奉使印記一顆被匣全行使仍免月申并應有奏報申

發文字並乞入急遞鋪轉送行在入內內侍省投進沿路乞免趨赴朝拜行香 一頭冠八頂欲於見造去處

指差知首尾人匠一名隨行祇備修整所有腰輿二乘各合差撥下都輦官八人肩擎并節級一名作兩番互

換家同祇應 一今來奏報行移文字欲乞差破行遣

手分二人許於內外官司指名抽差理為在司月日帶  
行諸般見請請給并乞下皇城司指差看印投文送文  
字巡覲照管頭冠親事官四人 一製造頭冠畢工合  
行文交割打角欲乞預報臨安府踏逐穩便去處權暫  
安奉仍關報太史局選日進發兼今來道路經由台州  
登陵山嶺險峻去處全藉人兵巡宿照管今乞下樞密  
院提轄軍兵差撥兵給二十五人及乞行下經過州縣  
督責巡尉人兵巡護前去 一將來頭冠腰纁二乘肩  
擎按程沿路宿頓合用幃幕安設欲乞下臨安府關借  
五幅黃絹壁衣額各二道并黃絹一疋充印造本所一  
行人吏號文辯驗前去應副使用候回程日拘收送還  
臨安府詔依

八年四月十八日中書門下省言勘會温州安奉景靈宮神御依條每遇節序并忌辰各合供燒紙贈昨緣申請遂行寢罷甚非崇奉之意詔節序忌辰合用紙贈令温州依舊應副供燒

九年四月十七日禮部太常寺言迎奉徽宗皇帝神御赴景靈宮合於哲宗皇帝神御之次安奉顯肅皇后神御合於昭懷皇后神御之次安奉詔依

五月十一日同簽書樞密院事充京東留守兼權開封尹王倫等言昨緣劉豫拆毀內中天章閣將欽先孝思殿御容遷出在聖院自交割之後臣等知聞已差官致禮辨認見在聖院佛殿內權行安奉今來未審合與不合差官迎奉赴行在唯復止於欽先孝思殿奉安詔令

留守司將畫像差官迎奉赴行在所其石塑木雕聖像  
依舊安奉候汴水通日取旨

七月八日景靈宮主管奉迎所奏准尚書省劄子將來  
迎奉神御赴湖州奉安若起離前來未審經由是何道  
路詔由台州路前來

十月七日臣僚上言臣聞孝莫大於寧親寧親莫大於  
寧神寧神莫大於得四海之歡心是知人君寅奉宗廟  
安寧祖孝不在於煩文末節而以示失民心為上也臣  
伏觀近降指揮温州遷迎諸宮殿神御至湖州奉安竊  
聞自温州至紹興府遞相閱報州縣祇備迎奉神御沿  
路拆跨街屋鑿山開路每頓要大屋五十七間簷高  
一丈四尺皆就空地旋起催督鼎沸不勝其擾州縣官

吏為見神御經由事體重大不敢輕易唯知奉行豈恤民力乞連下本路約束官吏迎奉之際務從簡約不必過為事勢致有騷擾詔令溫福州主管奉迎所別聽候朝廷指揮未得聞報經由州縣祇備應所差人船等今所屬日不消散仍令溫福州報經由州縣照會

十一月二日龍圖天章寶文顯謨徽猷閣狀准尚書省劄子禮部太常寺奏塑製徽宗皇帝顯恭皇后顯肅皇后神御畢工今討論欲且於內中天章閣權行奉安俟將來迎奉溫福州神御往湖州奉安日令太常寺別行申請奉聖旨依奏本閣遂具奏聞奉詔神御殿已是隘窄令申尚書省於見擬移殿宇以西地步內下臨安府修內司計會太常寺相視修蓋殿宇奉安

十年七月三日都省批下景靈宮使司申景靈宮主管  
所依近降指揮以景靈宮主管奉迎所為名檢准本宮  
供奉令請本宮行移以景靈宮使司為名宮使開節稱  
景靈宮主管  
所今除威德軍節度使開府儀司三司高世則充景靈  
宮使除已依條以景靈宮使司為名申尚書省照會前  
批送禮部

閏四月二十八日權太常少卿王師心等言本寺同臨  
安府修內司相視到劉光世宅下項 一廳東西長七  
丈五尺可以隨宜改修作前殿奉安聖祖天尊大帝  
一前堂東西長七丈四尺二寸可以隨宜改修作第二  
殿奉安祖宗神御九位 一後堂東西長七丈四尺欲  
於東西各展一丈可以隨宜改修作第三殿奉安元天

大聖后并諸后神御一十八位 一後堂北四并堂欲  
隨宜改修充奉安萬壽觀會聖宮并章武殿聖像神御  
詔依 五月二日提舉修內司承受提轄王晉錫狀據  
修內司申勘會相視到故劉光世宅隨宜改修作前殿  
第二殿第三殿奉安祖宗諸后神御并後堂北四并堂  
欲隨宜改修充奉安萬壽觀會聖宮并章武殿聖像神  
御本司除已恭依施行外數內後堂北四并堂改修充  
奉安萬壽觀會聖宮并章武殿聖像神御今來四并堂  
雖在後堂之北緣有河一道相隔到彼地步稍遠竊慮  
緣急行香未便今相度目即劉光世宅大門裏南壁有  
舊宅一所與前項三殿相去不遠欲別作一所在可以  
隨宜添修充奉安萬壽觀等聖像神御詔依令太常寺相



度

六月五日提舉修內司承受提轄王晉錫狀據修內司  
申勘會故劉光世園宅數內後堂改修作第三殿奉安  
一十八位今相度即今後堂五間通闊七十四尺太常  
寺申明乞東西各展一丈通闊九十四尺今契勘侵占  
內四尺係堂兩壁山牆隔減侵占每壁濶二尺造神御  
帳座兩壁山花斜分并轉道杓欄侵占每壁一尺實闊  
八十八尺今來分作一十八位每位濶四尺八寸九分  
緣每位前合設香案就小造已長六尺兼帳座前兩壁  
未有進湯御路今來欲每位作六尺闊東西兩壁各留  
五尺充詣神御前進湯御路并堂兩壁山牆隔減每壁  
侵占二尺及帳座兩壁山花斜分轉道杓欄每壁侵占

一尺通計合使濶一百二十尺四尺止將堂東西兩拱并廊屋改修通作九間日後委無妨礙詔依令太常寺日下相度

十四日提舉修內司承受提轄王晉錫狀據修內司申勘會已降指揮劉光世宅大門裏南壁舊宅一所隨宜添修充奉安萬壽觀等處聖像神御太常寺相度其南壁舊宅若將面東前堂奉安萬壽觀昊天上帝一位後堂奉安會聖宮章武殿萬壽觀神御一十三位并將來迎奉內中承元殿徽宗皇帝神御二位共一十五位緣見今後堂據圖內貼說止係四丈四尺欲東西各展一丈通作六丈四尺所費可以隨宜奉安別無妨礙劄付修內司照會本司契勘後堂元係四丈四尺今來東西

各展一丈通作六丈四尺所貴可以隨宜奉安別無妨礙劉村修內司照會本司契勘後堂元係四丈四尺今來東西各展一丈通作六丈四尺竊慮行香御路隘窄將欲每位從小造作以香案奠酒盆臺為率依第三殿每位各得六尺并除兩壁牆侵占四尺山花二尺及駕路一丈計一丈六尺共展作一百六尺係作七間除舊位三間兩壁共添四間每間各得一丈五尺五寸詔依令太常寺相度施行

七月三日太常寺言本寺今相度

二十一日禮部太常寺言已降指揮就行在修蓋景靈

宮候畢工差官迎奉聖像神御今先次條具到奏告

遷事件下項 一合用青詞三首祝文四首

並述以迎奉是行在

奉安奏乞下學士院修撰進書降付 一合用御奉降

告之意

真香奏告用四十合造遷用五合沿路用三十合乞下  
入內內侍省請降 一奏告告遷乞令所差迎奉官候  
到温州還日行禮其合用茶酒果等令本州依例排辦  
詔依

二十二日禮部太常寺言今參酌迎奉聖像神御合差  
擎捧腰輿人乞令景靈宮主管奉迎所移文逐州差近  
上禁軍充沿路經過州縣乞止令於門首奉迎其日禮  
生預集長吏已下詣門首幕次俟迎奉聖像神御將至  
立班定班首再拜在位官皆再拜訖次引班首詣香案  
前搢笏上香再上香三上香執笏退復位立班首再拜  
在位官皆再拜訖執笏立俟聖像神御過班退奉歸  
來迎奉到行在日依禮例文武百僚出城奉迎乞預行依此將

約度到日下太常寺閱報詔依

二十四日後苑狀觀見添修景靈宮將來迎奉御容到來奉安緣本苑依條遇旦望節序生辰忌辰前後殿每殿各供酌獻果子二十樣其年終所用數目浩瀟乞依天章閣見酌獻果子錢數體例從本苑具數申朝廷請降錢赴本苑收買料例造作支供詔依

七月十一日內侍省押班主管景靈宮奉迎所張見道言在景靈宮萬壽觀後各有車馬門祇備內人赴宮酌獻乞下修內司於見今修建宮後修置詔依

八月一日禮部言准都省批下景靈宮主管奉迎所申備奉聖旨將故劉光世宅改修作奉安景靈宮萬壽觀會聖宮章武殿聖像神御殿今迎奉所經道路并於絲

興九年奉聖旨由台州路前來緣自温州須乘海船進發至館頭自樂清縣出陸沿路一帶高嶺峻峻至蕭山縣渡大江竊見處州一路自温州陸溪船至處州出陸雖縉雲嶺有坡坂不致高峻餘皆平路由婺州嚴州前赴行在即不經涉大江合取朝廷指揮後批送禮部看詳尋下太常寺欲依本所所申事理詔依

二日禮部太常寺言已降指揮修蓋景靈宮奉安祖宗帝后神御并章武殿會聖宮萬壽觀聖像神御令既畢工所合差官迎奉詔差權吏部侍郎江邀

三日禮部太常寺言景靈宮主管奉迎所牒勘會本所主管官同温州知通依元降指揮赴宮瞻視相度合行雅飾聖像及修換殿柱穿結冠朵修整頭冠并換造腰

輿並已一切了當詣指揮合奏告奉安今照行在修蓋  
景靈宮將畢已行申請差官迎奉聖像神御赴行在奉  
安今相度欲乞且於見今權奉安處安奉俟差到迎奉  
官至温州擇日告遷迎奉赴行在景靈宮一就行奉安  
之禮免致行禮煩數詔依

五日禮部侍郎王賓等言勘會昨日皇太后還宮緣景  
靈宮神御見在温州權奉安未曾朝謁今欲乞候將來  
行在奉安神御畢依禮例擇日車駕詣景靈宮行欵謁  
燒香禮訖擇日皇太后乘龍輿擔子詣景靈宮行朝謁  
禮更令取自朝廷指揮詔候奉安畢擇日取旨

六日尚書省言迎奉神御合差都大主管一行事務官  
詔就差主管景靈宮奉迎所張見道

十三日權吏部侍郎江邈言伏蒙聖慈不以臣才力營  
寔委之奉迎列聖帝后神御凡四十位所歷谿山湍險  
之處不容少有疎虞其為任責不敢謂輕政賴所經州  
縣官吏叶心迎護庶獲善達竊慮所至不知體此所宜  
戒約又將來既依主管所申合自陸路回歸所用捧擎  
腰輿之人其數不少緣所經由係嚴婺處州路分今歲  
經夏小歉蠶麥不至甚稔農民所宜優卹若更起夫科  
役必至騷擾惟宜盡用逐州禁軍廂軍并內外諸縣鎮  
塞土軍及應干白直人兵擎捧逐州交替役使乞出  
自宸衷嚴降約束所貴州縣官吏及一行擁護之人皆  
知嚴恭畏懼而一方民戶無所繹騷詔依奏如起夫騷  
擾今江邈按劾聞奏



十四日尚書省劄子勘會温州祖宗帝后神御已降指  
揮迎奉赴景靈宮所差迎奉官見已起發其到行在奉  
安等應于合行典禮事件劄付太常寺疾速討論申請  
於神御未到行在已前須管一切辦集了畢

二十七日禮部太常寺言今迎奉聖像神像御到行在  
自城外奉迎至景靈宮權奉安處合差援衛親從官二

百人

裝著儀  
注全

腰輿四十餘乘并捧擎香案等合差輦官

裝著儀  
注全

鈞容直樂人二百人僧一百人道士五十人

全並乞下所屬差撥至之日宰執文武百僚並出城赴

幕次俟報班定聖像神御腰輿將至班首已下並再拜

訖班首出班詣香案前措笏三上香執笏復位班首已

下並再拜訖少立俟聖像神御腰輿過退

如值雨止內  
班再拜

南班宗室俟奉迎訖分左右騎道其奉迎使司官後從  
至景靈宮權安奉迎使司官燒香訖南班宗室陪位訖  
退詔依

二十九日禮部太常寺言已降指揮景靈宮前殿奉安  
聖祖天尊大帝中殿奉安祖宗神御九位後殿奉安元  
天大聖后並諸后神御共一十八位內萬壽觀前殿奉  
安昊天上帝後殿奉安會聖宮章武殿萬壽觀神御一  
十三位并內中承元殿徽宗皇帝神御二位共一十五  
位今來已差官前去迎奉神御俟將來到行在日合赴  
逐殿側座以俟擇日行奉安之禮今貼定逐殿奉安神  
御并聖像圖本欲依此安奉詔依

中興禮書第一百六卷

吉禮一百六

景靈宮二

紹興十三年九月一日禮部太常寺言將來景靈宮奉安祖宗帝后神御其內中承元殿徽宗皇帝神御三位并順承殿顯恭皇后神御二位依禮例合迎奉赴景靈宮同日奉安詔依

八日禮部太常寺言勘會迎奉內中承元殿順承殿帝后神御赴景靈宮及會聖宮奉安乞於告遷二日差侍從官奏告景靈宮聖像神御并萬壽觀會聖宮聖像神御其青詞祝文香幣禮料等並乞依禮例開報所屬撰寫供應詔依

十四日禮部太常寺言勘會將來奉安景靈宮祖宗帝  
后神御畢車駕擇日詣景靈宮行款謁之禮今參酌比  
附到合行事件 一乞分作兩日行禮第一日詣前殿  
聖祖天尊大帝并中殿諸帝神御前行禮第二日詣後  
殿元天大帝聖后并諸后神御前行禮所有萬壽觀會聖  
宮章武殿聖像神御俟第一日皇帝行禮畢依禮例差  
侍從官分詣行禮 一今來款謁行禮依禮例往回合  
作樂 一合差前導太常卿贊引太常卿博士各一員  
欲乞依朝獻例輪差太常寺官 一本官前殿中殿後  
殿各合於東廊設御幄并黃道裊褥黃羅拜褥及奏請  
紫褥並乞下儀鸞司釘設排辦 一至日合用陪位官  
乞依孟秋朝獻禮例 一至日合從駕文武官入赴皇

城內以俟從駕如常儀其餘合陪位官并行事前道導  
官並於景靈宮櫺星門內殿門外迎駕再拜訖趁赴行  
事前導并陪位立班 一合用御封降真香乞從太常  
寺具合用數報入內內侍者請降付侍香官 一合差  
酌茶酒侍香捲簾并轉進茶酒內侍官乞令入內內侍  
省差 一萬壽觀會聖宮章武殿合差分詣官二員欲  
乞差侍從官充 一合用供養食茶酒果并應合排辦  
事件並乞依四五朝獻禮例 一行禮日辰乞令太史  
局遷定申太常寺申請朝廷指揮 一俟車駕詣官行  
禮畢依已降指揮擇日皇太后皇后詣官朝謁燒香仍  
乞從皇太后皇后殿官關報太史局擇日取旨行禮詔  
依

十五日禮部太常寺言勘會今來迎奉景靈宮祖宗帝  
后神御今叅酌到奉安合行事件下項 一合差奉安  
并告遷神御禮儀使一員乞依禮例差宰臣充於奉安  
前一日赴本宮致齋 一勘會今來奉安景靈宮萬壽  
觀會聖宮章武殿祖宗帝后神御共三十九位除禮儀  
使合詣聖武祖天尊大帝并諸帝神御前一十位行禮  
位其餘二十九位合差奉行安行禮官三員分詣乞差  
執政官一員侍從官二員並前一日赴本宮致齋 一  
告遷奉安合差都大主管官一員乞差入內內侍省官  
詔依

十七日禮部太常寺言將來迎奉內中承元殿順承殿  
帝后神御赴景靈宮同日奉安其告遷日合用腰輿繼

扇從物供養牙盤食酒果祝文合差扶侍夾侍捧遷內侍捧擎輦官授衛親從官儀衛班直鈞容直樂人威儀僧道及禮儀使行事官致齋幕次等並乞依禮例申關所屬差辦詔依

十八日禮部太常寺言勘會今來迎奉景靈宮祖宗帝后神御今叅酌到奉安合行事例下項 一奉安日乞依禮例皇帝不視事前後一日不御殿奉安日百司作休務假 一合用奉安日時并告遷神元殿徽宗皇帝順承殿顯恭皇后顯肅皇后神御日時乞令大史局擇定申請 一合用御封降真香乞從太常寺具合用數關報入內侍省取降 一合用青詞三首祝文五首

並述以奉安聖後神御之意

乞令學士院修撰書寫進書 一合用

蒼幣三段各長一丈八尺小尺乞令太府寺行下左藏  
庫支供 一奉安合用僧道欲乞每殿各差三十人前  
一日晝夜互作法事 一奉安景靈宮萬壽觀係五殿  
逐殿各合用樂人欲乞令都大管主所報鈐轄鉤容直  
所差撥前一日晝夜互作樂祇應 一景靈宮萬壽觀  
會聖宮章武殿神御各合用繖扇從物并執打人乞從  
都大管主所指揮所屬相度合用又差人排辦 一合  
差撥衛親從官乞令都大主管所相度合用人數報皇  
城司差撥前一日晝夜更互排立 裝著儀 一合差光  
祿卿奉禮郎各一員太祝四員太官令一員乞輪差太  
常寺官充如不足從本寺報國子監差承博士充前一  
日本宮致齋 一奉安前一日早晚上香內聖像前各



合用素牙盤食神御前各合用葷牙盤食并每位各合

用茶酒果

并奉安日神御前合用牙盤葷食茶湯酒果

並乞依例從都大主

管指揮諸司排辦

一奉安日依禮例昊天上帝聖祖

天尊大帝元天大聖后位前合用素饌禮料祭器乞令

太常寺依例報所屬排辦 一奉安日合令宰執使相

并南班宗室陪位 一奉安行禮儀注乞依例從太常

寺修定關報詔依

二十二日禮部太常寺言契勘在京遇景靈宮奉安神

御合用細仗二千人於奉安前一日陳列於宮之內外

所有今來奉安祖宗帝后神御所有細仗合取朝廷指

揮兵部供到狀文德殿發冊黃麾細仗共一千四百二

人本部所管儀仗並已足備太常寺供到狀勘會將來

奉安神御用儀仗二千人除兵部合排辦儀仗人數外  
自來係將殿中省繖扇等并本寺鼓吹人共貼作二千  
緣今來殿中省已廢罷若將本寺鼓吹人共貼作二千  
人別無妨礙詔許用細仗二千人

二十四日內侍省押班張見道奏准差充告遷奉安景  
靈宮神御都大主管所有合行事件除太常寺已申請  
外今量事隨宜參酌條具到下項 一乞以告遷奉安  
景靈宮神御都大主管所為名所有合用印記乞就用  
景靈宮主管所見使印記行使 一今來告遷奉安聖  
像神御共三十八位所有合差扶持夾侍并陞降使臣  
並乞下入內內侍省差所有承元順承殿神御如同日  
奉安亦合差扶持侍夾侍并陞降使臣 一合差承受

官一員主管諸司官二員並乞下入內侍省差詔依  
二十七日禮部太常寺言將來告遷徽宗皇帝顯恭皇  
后顯肅皇后神御赴景靈宮同日奉安依禮例皇帝前  
導神御出皇城門今參酌修定行禮儀注詔依

告遷前一日

其日威儀僧道並儀衛樂人更互作法事作樂排立禮  
儀使早晚上香如常儀告遷權奉安

告遷

其日有司排辦畢禮直官贊者分引禮儀使詣承元殿  
下西向立太祝北向立都大主管官禮直官贊有司謹  
具請行事贊者曰拜在位官皆再拜訖次引太祝升殿  
詣徽宗皇帝神御前之西東向立次禮儀使升詣神御

香案前搢笏上香再上香三上香跪一奠茶三奠酒執  
笏俛伏興立太祝搢笏跪讀祝文訖降階復位禮儀  
使再拜訖降階復位立次詣順承殿頭恭皇后頭肅  
皇后神御前行禮並如上儀訖降復位次詣望燎位南  
向太祝重行有司焚祝版訖權退歸次

時前有司排辦畢俟皇帝服履袍出內即御座鳴鞭行  
門禁衛諸班親從等諸司祇應人員以下崇政殿各自  
贊常起居次從駕臣僚并應奉及前導陪位官并管軍  
於崇政殿起居如閣臣門儀訖先退徑詣承元殿陪位  
立班禮直官引侍臣詣承元殿徽宗皇帝神御前之東  
西向立次引禮直官太常博士太常卿承元殿御幄前  
北向立閣門官相向立以俟皇帝自崇政殿乘輦出崇

政殿門至承元殿降輦歸御幄簾降閣門報班齊禮直  
官太常博士引太常卿於幄前俛伏跪奏稱太常卿臣  
某言請皇帝行酌獻之禮奏訖伏興復位立奏禮畢簾  
捲前導官前導皇帝詣殿下褥位西向立奏請拜皇帝  
再拜贊者曰拜在位官皆再拜訖前導官前導皇帝陞  
詣徽宗皇帝神御前褥位北向立內侍奉香奏請上香  
再上香三上香內侍以茶酒授侍臣侍臣西向跪以進  
又奏請皇帝跪一奠茶奠酒再奠酒三奠酒俛伏興又  
奏請拜皇帝再拜贊者曰拜在位官皆再拜訖前導官  
前導皇帝歸御幄簾降太常卿奏禮畢訖前導官先詣  
順承殿幄前立俟皇帝詣順承殿御幄簾降太常卿奏  
請前導皇帝詣頭恭皇后頭肅皇后神御前行酌獻之

禮並如承元殿儀訖前導皇帝歸御幄簾降太常卿奏禮畢訖前導官權退倍位官並退內係騎導官於北官門外奉迎皇帝詣承元殿御幄簾降告遷時至輦官擎腰輿各升殿訖權退禮直官引禮儀使詣徽宗皇帝神御前俛伏跪奏禮儀使臣某言請徽宗皇帝頭恭皇后頭肅皇后神御降坐升輿赴景靈宮權奉安奏訖伏興少退東向立扶持夾侍詣承元順承殿捧遷神御各升腰輿都大主管官往來照管俟升腰輿訖輦官各升殿於腰輿前立次太常卿當幄前俛伏跪奏稱太常卿臣某言請皇帝步導神御進發奏訖伏興復位立簾捲前導官前導皇帝詣徽宗皇帝神御前褥位西向立次輦官擎腰輿以俟進行前導官前導皇帝詣神御腰輿前

稍左步導神御以次進行儀衛班直親從官等扈衛僧道作法事鈞容直作樂前引扶侍俠夾侍分左右扶侍禮儀使後從都大主管官往來照管前導皇帝步導神御出行宮北門外褥位少立俟置定腰輿前導官前導皇帝入御幄簾降有司排辦畢僧道法事鈞容直樂並權止太常卿當幄前俛伏跪奏稱太常卿臣某言請皇帝行奉辭之禮奏訖伏興復位立簾捲前導官前導皇帝出幄詣神御香案前奏請拜皇帝再拜訖又奉奏請皇帝上香再上香三上香訖又奏請拜皇帝再拜訖前導官前導皇帝歸御幄簾降太常卿當幄前俛伏跪奏請太常卿臣某言禮畢奏訖伏興復位少立輦官擎捧神御腰輿進行次前導官退皇帝服常服乘輦還內侍

衛如常儀

十月八日太常寺言自承元順承嚴至行官北門並無屋宇通行若至日不測雨降令太

常卿於承元殿帳前即奏請皇帝行酌獻奉辭之禮後從禮儀使以下至騎導等官並乞施雨具

禮儀

使騎從都大主管騎從及往來照管次宰執使相宗室

南班官於行官北門外奉迎神御再拜訖班首詣香案

前措筵三上香訖執笏退復位立班首以下再拜訖分

左右騎導儀衛班直親從官等扈衛僧道作法事鈞容

直作樂前引至景靈宮櫺星門外下馬步導禮儀使後

從都大主管官往來照管至權奉安殿下僧道法事鈞

容直樂並權止輦官權退禮儀使詣徽宗皇帝神御腰

輿前俛伏跪奏稱禮儀使臣某言請徽宗皇帝頭恭皇

后頭肅皇后神御升座權奉安奏訖伏興火退立輦官

擎腰輿各升殿扶侍夾侍捧遷神御座權奉安訖僧道



鈞容直更互振作輦官擊腰輿退禮儀使以下歸次俟有司排辦香火畢次禮儀使燒香畢退

十月六日禮部太常寺言將來奉安景靈宮神御所有告遷承元順承殿神御日下酌獻禮乞令望參官陪位其行事及陪位官至日乞依四孟朝獻禮例先赴崇政殿起居訖赴承元順承殿立班俟皇帝行禮畢歸御幄退內宰執使相宗室南班官俟陪位訖徑赴皇城北門外幕次以俟奉迎前導神御至景靈宮詔依

同日御輦院狀已降指揮奉迎承元順承殿神御赴景靈宮其告遷日皇帝服履袍詣逐殿神御前先行酌獻之禮畢還幄以俟步導神御出行宮北門奉辭燒香畢還幄俟神御進行皇帝乘輦還內所有是日詣逐殿神

御前先行酌獻之禮具道遙平輦取進止詔步至神殿前行禮俟神御進行乘輦還內

七日太常寺言己降指揮告遷承元殿順承殿神御并奉安景靈官等殿聖像神御及奉安了畢車駕詣景靈宮行款謁禮分作兩日所有行禮日辰令太史局選定申請朝廷指揮今據太史局選到日分下項 一告遷承元殿承殿神御宜用十月十一日甲午吉時宜用其日丁時吉 一奉安景靈官等殿聖像神御宜用十月十二日乙未吉時宜用其日丁時吉 一車駕詣景靈宮行款謁禮宜用十月十五日戊戌吉合於十月十五日十六日行禮詔依

十月十四日詔為值雨改用十七日十八日

八日太常寺言勘會將來擇日車駕詣景靈宮分作兩日行款謁之禮今具合差官下項 一依已降指揮第一日皇帝行禮畢差侍從官二員分詣萬壽觀會聖宮章武殿聖像神御前行禮伏乞降勅差侍從官 一合差進接茶酒侍臣二員一員詣聖祖天尊大帝元天大聖后并祖宗帝后香案前使俟使臣酌茶酒畢接盞跪進皇帝一員詣聖祖天尊大帝元天大聖后香案前使皇帝進茶酒畢接盞置于聖像前並乞降勅差雨省官給事中中書舍人詔依

同日禮部侍郎王賞等言勘會將來車駕詣景靈宮行款謁之禮已降指揮分作兩日欲乞第一日依四五朝獻禮例乘輦於東廊便門降輦步至御幄第二日乘輦

入櫺星門將至宮門降輦步至齋殿自齋殿由後殿北  
巡廊至後殿御幄其第一日第二日自齋殿還內步行  
過宮門乘輦還內仍乞令儀鸞司同臨安府自櫺星門  
裏絞縛露屋至齋門詔依

九日閣門言奉迎告遷承元殿順承殿神御令從駕臣  
僚赴後殿起居餘官於後殿門以南迎駕起居俟駕入  
承元殿赴陪位詔依

十二日太常寺言勘會十月十二日景靈宮奉安聖像  
御神御已降指揮奉安日不視事前後各一日不御殿  
本寺契勘十一日告遷十二日奉安并用丁時係連日  
行事欲乞應行事官於今月十三日給歇泊假一日詔  
依

二十六日詔內侍押班張見道罷奉迎所依舊主管是  
靈宮萬壽觀會聖宮章武殿

欵謁景靈宮儀

陳設

闕

欵謁

闕志按二條永樂大典云見前會要足  
可擬會要以補此闕

紹興十四年七月二十七日詔景靈宮南壁舊草場見  
空閑地步撥入本宮

十七年四月九日萬壽觀狀本觀係在景靈宮樞星門  
裏右壁面壁北設置大門應出入並經由樞星門竊慮  
緩急火燭之類無便出入別致疎虞乞令臨安府於南  
圓牆開置便門一所詔依

其後以出入經由殿前過柱  
有詔將便門改建殿門拆去

舊門  
始修所

二十二年正月二十二日太史局狀准勅修蓋景靈宮  
將來興工合奏告告遷權奉安令太史局擇日申尚書

省取旨本局今選定奏告告遷權奉安日宜用正月十二  
七日癸亥吉奏告告遷聖祖神御等時宜用其日甲時  
吉權奉安用丙時吉詔依

二十三日禮部言准紹興二十一年十月五日入內內  
省押班主管景靈宮張見道劄子契勘將來修蓋景靈  
宮興工日合預期奏告告遷權奉安聖祖天尊大帝元  
天大聖后聖像并諸殿帝后神御共二十八位及僖祖  
皇帝已下位牌共一十一位及將來了畢奏告告遷奉  
安所有合行典禮候指揮詔令禮部討論申尚書省取  
旨本部尋下太常寺討論到典禮今開具下項 一權  
奉安日并前一日依禮例皇帝不視事 一今來修蓋  
景靈宮依禮例合告遷聖像并祖宗帝后神御及位牌

權奉安所有權奉安殿宇次序乞令禮官景靈宮主管  
所并轉運司修內司同共相度奉安去處 一依自來  
權奉安禮例合差侍從官先行奏告之禮所有告遷權  
奉安依昨天章閣西權奉安神御禮例合差宰臣充禮  
儀使并宰執分詣中殿後殿行禮入內內侍省官充都  
大主管官 一告遷奏告權奉安合用御封香青詞祝  
文幣帛蠟燭并供養茶酒果等乞令太常寺依自來告  
遷奏告權奉安禮例闕報所屬排辦 一依自來禮例  
應行事官係本寺具科目申中書省降勅差 一行禮  
儀注依自來禮例係本寺修定闕報 一告遷聖像神  
御至權奉安處合差捧擎腰輿輦官并執打織扇從物  
班直援衛親從官並前一日赴宮祇應乞令景靈宮主



管所有據合用人數關報所屬 一將來畢工擇日奉  
安合差禮儀使并分詣行禮宰執及都大主管官光祿  
卿奉禮郎太祝太官令乞令轉運司候見得畢工月日  
預報太常寺檢照典禮及開具合差科目員數次等申  
請朝廷取旨 一今來遷告聖像并祖宗帝后神御逐  
殿各合差僧道樂人並前一日赴宮晝夜更互祇應欲  
乞令都大主管官相度合用人數報所屬差撥詔依  
同日禮部太常寺言勘會今來修蓋景靈宮合用告遷  
權奉安聖像神御依已降指揮合差禮儀使一員乞差  
宰臣分詣中殿後殿告遷權奉安官三員乞差執政侍  
從官都大主管官一員乞差入內內侍省官並合前一  
日赴景靈宮宿齋乞朝廷差官詔依

奉告告遷聖像神御逐殿奏安差官

此並做

同日太常寺言勘會今來修蓋景靈宮合行奏告告遷  
權奉安聖像神御依已降指揮應行事官從本寺具科  
目申中書省今條具到合差下項員數仍並於前一日  
赴景靈宮宿齋伏乞朝廷差官奏告官三員乞差侍從  
一員詣前殿聖祖天尊大帝并中殿祖宗諸帝神御十  
位前行禮一員詣後殿元天大聖后并宣仁聖烈皇后  
至顯肅皇后神御九位前行禮一員詣後殿昭獻皇后  
至慈聖光獻皇后神御九位前行禮光祿卿四員乞差  
卿監臺官一員奏告聖祖天尊大帝一員奏告元天大  
聖后一員權奉安聖祖天尊大帝一員權奉安元天大  
聖后奉禮郎三員乞差郎官臺官一員奏告聖祖天尊

大帝一員奏告并權奉安元天大聖后一員權奉安聖  
祖天尊大帝奏告并權奉安太祝共五員乞差郎官館  
職一員詣聖祖天尊大帝前一員詣祖宗諸帝神御前  
一員詣元天大聖后前一員詣宣仁聖烈皇后前顯肅  
皇后神御前一員詣昭憲皇后至慈聖光獻皇后神御  
前太官令二員乞差郎官樞密院編修官一員奏告并  
權奉安聖祖天尊大帝一員奏告并權奉安元天大聖  
后詔依奏告世遠聖儀神御運殿奉安各差一員後依此內  
太祝差八員中殿奏告奉安各差一員後殿後殿

后奏告奉安  
各差兩員

三月二十一日兩浙轉運司奏契勘修蓋景靈宮見擇  
日上梁所有合用上梁文照應昨起蓋太一宮體例乞  
下學士院製撰詔依太史局選用三月二  
十七日巳時上梁

六月九日太史局狀勘會已降指揮修蓋景靈宮畢工  
告遷還殿今選到奉安聖像神御宜用六月十三日丙  
子吉奉安時宜用其日癸時吉前一日告遷宜用十二  
日癸時吉又選定宜用六月二十二日乙酉吉奉安時  
宜用其日乙時吉前一日告遷宜用二十一日乙時吉  
詔用今月十三日六月十一日詔改  
用今月二十二日

同日禮部太常寺言勘會今來修蓋景靈宮一切畢工  
合行擇日奏告告遷聖祖天尊大帝元天大聖后聖像  
并祖宗帝后神御還逐殿行正奉安之禮今參酌條具  
到合行典禮事件詔依奉安日皇帝不視事前後各一  
日不御殿百司作休務散泊假

合用部封者報入內侍省合用告遷奉安青評祝文  
合學士院修撰合用卷帶下左藏庫支供合差禮儀使  
奏告告遷行禮官都大主晉官合用率鼓仗輔侍從等  
官陪位合差僧道樂人優衛筆官儀仗鼓吹扶夾官合

用牙盤食酒吳衍等及行禮儀注並如始興十三年十月奉安景靈宮及二十二年正月興工修蓋景靈宮據之制安

同日景靈宮奉安神御等都大主管所狀准初差奉安景靈宮聖像諸殿神御都大主管欲乞以景靈宮奉御安神御等都大主管所為名就用見兼領景靈宮主管所印訖行訖外其餘應干合行事務差辦人物等並乞依昨奉安太一宮神像都大主管所前後已得指揮體例施行詔依

十日兵部申勘會景靈宮正奉安已承指揮用儀仗鼓吹共二十人乞依例差合本部郎官二員總轄儀仗劄付兵部依所乞施行

同日兩淞路轉運副使趙不羣提舉修內司李珂提舉

修內司承受提轄馮孝宗狀修蓋景靈宮一切畢工所  
有修蓋屋宇間例塑造御侍玉女真人及備辦帳屋明  
金供事等物件伏乞朝廷特降指揮劄下所屬交割詔  
令景靈宮主管所照會交割

二十五日入內侍省押班主管景靈宮張見道白劄  
子奉聖旨指揮兩湖轉運司同修內司景靈宮并齋殿  
太一宮西齋殿今後每月逐旬赴宮檢計奉安景靈宮  
儀奉告前一日其日奏告奉遷奉安行禮等官赴景靈  
宮宿齋奏告其日五更有司排辦香幣青詞祝文供養  
食茶酒果訖贊者引光祿卿詣殿下再拜訖升殿點閱  
訖退次贊者引奉禮郎太祝太官令詣西齋殿下北向  
立禮直官引奏告官三員俱詣殿下西向立禮直官揖

躬拜在位官皆再拜訖贊者引奏禮郎以下升殿各就位立禮直官引奏告官詣盥洗位北向立搢笏盥洗手執笏詣爵洗位北向立搢笏洗爵拭爵執笏升殿詣尊所搢笏跪執爵太官令搢笏跪酌酒訖奏告官以爵授執事者執笏興詣聖祖天尊大帝元天大聖后聖像前各搢笏上香再上香三上香跪奉禮郎搢笏跪奉幣奏告官受幣奠幣執爵進酒再進酒三進酒執笏伏興少立太祝搢笏跪讀青詞訖奏告官再拜初奏告官官詣聖像前行禮次行祖宗神御前奏告官詣宣祖皇帝太祖皇帝太宗皇帝真宗皇帝仁宗皇帝英宗皇帝神宗皇帝哲宗皇帝徽宗皇帝神御前次引諸后神御前奏告官詣昭憲皇后孝明皇后懿德皇后章懿皇后

元德皇后章穆皇后章獻明肅皇后章懿皇后慈光獻  
皇后宣仁聖列皇后欽聖憲肅皇后欽成皇后欽慈皇  
后昭慈聖獻皇后昭懷皇后顯恭皇后顯肅皇后神御  
前各措笏上香再上香三上香跪執盞奠茶三奠酒執  
笏俛伏興內宣祖皇帝昭獻皇后宣仁聖烈皇后神奏  
御前太祝各持笏跪讀祝文訖執笏興  
告官再拜訖俱降復位禮直官揖躬拜在位官皆再拜  
禮直官引奏告官以下詣望燎位南向立禮直官曰可  
燎有司焚燎青詞祝文幣帛訖班退歸幕次

奏告遶奉其日早儀仗儀衛親從官威儀僧道教坊鈞  
容直樂人於西齋殿下排立定都大主管官往來照管  
禮直官引禮儀使詣聖祖天尊大帝聖像香案前措笏  
上香再上香三上香出笏就位再拜訖禮儀使退歸幕



次又引分詣行禮官詣元天大聖后聖像并祖宗諸帝  
后神御前早燒香訖退次儀仗儀衛諸色祇應人教坊  
鈞容直更互作樂告遷時前御史臺閣門太常寺分引  
應騎導官詣西齋殿下北向再拜訖分東西兩向立定  
次禮直官引禮儀使詣殿上西向立俟尅擇官報時及  
禮直官引禮儀使詣殿上當中俛伏跪奏禮儀使臣某  
言請聖像神御降座升輿奏訖俛伏興權歸幕次俟捧  
奉擎腰輿進行儀仗儀衛僧道作法事教坊鈞容直作  
樂前引次引宰執使相侍從臺諫兩省知閣禮官南班  
宗室步導至殿門外騎導又禮直官引禮儀使步從至  
殿門外騎從至景靈宮門並下馬執笏步導步從至殿  
下東西相向立禮直官引禮儀使并分詣行禮官各詣

殿下南向伏跪奏禮儀使臣某言請聖祖天尊大帝

聖像降輿升殿側座權奉安

分行禮官某言詣聖像神御

降輿升殿側座權奉安

奏訖伏輿升殿西向立以次捧遷升殿

禮直官引禮儀使并奉安行禮官歸幕次騎導官權退  
次僧道樂人更互作法事作樂儀仗儀衛親從官更互  
排立以俟禮儀使奉安行禮官晚燒香如早燒香之儀

### 奉安日

其日奉安時將至時俟有司排辦香幣青詞祝文供養  
食茶酒果等訖贊者引光祿卿詣殿下再拜訖升殿點  
閱訖退次都大主管官往來照管次御史臺閣門太常  
寺分引應合陪位立班官立定禮直官贊者引奉安行  
禮官奉禮郎太祝太官令各詣殿下立定禮直官引禮

儀使升詣前殿上西向立俟冠擇官報時及禮直官引

禮儀使詣聖祖天尊大帝聖像前俛伏跪奏禮儀使臣

某言請聖祖天尊大帝聖像升正座

分誦行禮官跪奏

某言請聖祖天尊大帝聖像升正座

奏訖俛伏興降東階於褥位西向立禮直

神御升正座

官贊者有司謹具請行事揖躬拜在位官皆再拜訖贊

者引奉禮郎以下升殿各就位立禮直官引禮儀使詣

盥洗位北向搯笏盥手悅手執笏詣爵洗位北向搯笏

洗爵拭爵執笏升殿詣聖祖天尊大帝聖像香案前搯

笏上香再上香三上香跪奉禮郎奉幣禮儀使受幣奠

幣執爵進酒再進酒三進酒執笏俛伏興少立太祝搯

笏跪讀青詞訖執笏興禮儀使再拜訖降階復位立禮

儀官揖躬拜在位官皆再拜訖禮儀使以下詣殿門外

望燎位南向立禮直官曰可燎有司焚燎青詞幣帛訖  
禮直官引禮儀使以下班退陪位官班退初禮儀使行  
禮禮直官引奉安行禮官詣元天大聖后聖像前行禮  
並如聖祖天尊大帝之儀次詣宣祖皇帝太祖皇帝太  
宗皇帝真宗皇帝仁宗皇帝英宗皇帝神宗皇帝哲宗  
皇帝徽宗皇帝昭憲皇后孝明皇后懿德皇后明德皇  
后元德皇后章穆皇后章獻明肅皇后章懿皇后慈聖  
光憲皇后宣仁聖烈皇后欽聖憲肅皇后欽成皇后欽  
慈皇后昭慈聖憲皇后昭懷皇后顯恭皇后顯肅皇后  
神御前各拈笏上香再上香三上香跪執盞奠茶三奠  
酒執笏俛伏興唯皇祖皇帝昭憲皇后宣仁聖烈皇后  
神御前太祝各拈笏跪讀祝文訖執笏  
興奉安行禮官再拜訖降階復位立禮直官揖躬拜在

位官皆再拜訖禮直官引奉安行禮官以下詣殿門外  
望燎位南向立禮直官曰可燎俟有司焚燎青詞幣帛  
祝文訖班退

三十一年九月六日禮部太常寺言勘會將來奉安顯  
仁皇后神御次序合於景靈宮顯肅皇后神御之次安  
奉訖令景靈宮主管所預行措置安奉帳座於九月二

十日大祥後擇日迎奉赴景靈宮奉安詔依

紹興三年五月

十六日奉安顯仁皇后神御皇帝  
日射殿步壽出殿正門外奉迎

隆興元年三月十一日禮部太常寺言勘會將來欽宗  
皇帝大祥前依禮例合差官主管塑製神御三位於大  
祥後迎奉神御赴景靈宮並萬壽觀安奉所有安奉神  
御三位其次序內一位於景靈宮徽宗皇帝神御之次

安奉內會聖宮啟運宮二位依禮例權於萬壽觀徽宗  
皇帝神御之次安奉所有安奉帳座等事件乞令景靈  
宮主管所並萬壽觀預行措置詔依

六月十九日太常寺言勘會今來塑製欽宗皇帝神御  
三位已降指揮一位於景靈宮奉安內會聖宮啟運宮  
二權於萬壽觀奉安今據太史局選到奉神御吉日時  
刻正奉安日宜用六月三十日己丑吉告遷時宜用其  
日乙時吉正奉安時宜用其日丁時吉正奉安前一日  
係六月二十九日告遷權奉安時宜用其日乙時吉詔  
依

中興禮書第一百八卷

吉禮一百八

四孟朝獻景宮一

建炎三年十月十二日從衛太常寺言檢會建炎三年八月十一日同權知三省樞密院事滕康狀太廟神主已迎奉前去洪州緣四孟合行朝獻之禮昨揚州曹降指揮差宰執分詣將來洪州未有明文詔令權知三省樞密院官行禮照得自來祖宗神御殿每遇四孟係車駕焚香行禮若臨時相妨係差宰執分詣昨揚州係壽寧寺前殿奉安太廟神主後閣係奉安章武殿會聖宮祖宗神御遇朝獻日為經由前殿至日車駕詣神主前燒香後來本寺申乞更不詣神主前燒香止詣神御殿

行朝獻之禮今來洪州奉安天章閣等處御容依禮例  
係本處官至日燒香行禮外止有天慶觀聖祖一位已  
降指揮差權知三省樞密院事滕康前一日致齋至日  
朝獻行禮外依禮例遇四孟不合詣太廟神主前朝獻  
行禮詔依

四年十二月八日太常寺言將來孟春朝獻用正月九  
日今參酌到禮例温州見奉安景靈東西宮諸殿閣神  
御並揚州章武殿永安軍會聖宮神御福州奉安西京  
啟運宮神御近例係差逐州知通分詣燒香今來景靈  
宮章武殿會聖宮神御並在温州奉安若同日並各令  
知通分詣燒香顯是於禮煩數所有將來孟春朝獻欲  
乞依東京禮例至日令温州知通詣景靈宮諸殿閣聖



像神御前分詣燒香內啟運宮神御令福州知通分詣  
燒香所有行在越州天慶觀聖祖天尊大帝聖像欲乞  
依孟冬禮例差執政官一員燒香行禮詔依

紹興元年四月十六日太常寺言勘會孟夏朝獻用四  
月二十三日今來大行隆祐皇太后在殯所有孟夏差

官詣聖祖前分詣行禮亦合權罷詔依

其孟夏朝獻係在大行隆祐皇

太后附廟之前十月一日太常寺言孟冬朝獻用下元

節十月十五日詔差執政官一員

其後亦通差侍從官

三年二月九日禮部太常寺言將來孟夏朝獻用四月  
四日巳丑吉所有行在天慶觀聖祖天尊大帝聖像前  
欲乞依禮例差執政官一員行禮其合用御封降真香  
一合令入內侍省預先請降付本觀收掌至日供燒

詔依

四年二月二十三日太常博士劉登劾子奏臣聞周自  
后稷已基王業中間綿綿若瓜隤然其國勢可知也觀  
自郇徂幽自幽即岐間闕道里殆若不遑安處者然其  
君未嘗一日忘禮公劉之於邠非無遷迫之勞也必也  
獻羔祭韭然後朋酒斯饗太王之於岐非無侵軼之虞  
也必也作廟翼翼然後百堵皆興文王之時上自妃后  
以及卿大夫之妻類皆克相君子服勤宗廟苻葉蘋藻  
雖菲不廢迹其風化所由可謂知本矣陛下述祖宗之  
貽謀軫羹墻之深念悽霜怵露幾年於此而未能躬行  
灌鬯時奉苾芬興言及茲可謂闕典臣聞昔者天子有  
外朝有治朝而宗廟實居其兩間是廟與朝未嘗相遠

也今永嘉宗廟神御所安未容輕動朝廷庶事草野難復舊儀臣願每歲孟冬即治朝之遠嚴設位以饗如此則大羹昭饌二簋納約不待九州四海之美味而誠意孚矣孝孫祖位不動屬車之塵百辟駿奔不出宮城之內而祀事舉矣凡宗廟親祠之禮數歲所不能行者一日而舉豈不上慰祖宗之靈哉詔令禮部太常寺限十日同共討論申尚書省

五月五日禮部太常寺言檢照儀注大禮前一日車駕親詣宗廟神主前躬行朝饗之禮每歲孟月車駕親詣景靈宮神御前躬行朝獻之禮其宗廟即無孟冬親行禮數今劉登所奏於治朝設位行禮緣即今常御殿地步難以設位竊見已降指揮令修內司臨安府同共於

射殿基址修蓋殿一座充將來明堂大禮正配四位行禮今討論欲乞每歲四孟月就今所蓋殿設位行朝獻之禮仍候今年明堂大禮畢日依此施行詔依

九月十日禮部太常寺言依已降指揮四孟朝獻擇日於行在設位皇帝行朝獻之禮其合用香乞今後遇四孟朝獻更不逐一申請止令太常寺前兩月檢舉一面關入內侍省差人取降施行詔依

十月一日太常寺言四孟朝獻合用器皿等今臨安府文思院製造詔四孟朝獻候過防秋別聽候朝廷指揮五年閏二月二十五日禮部太常寺言檢會已降聖旨四孟朝獻候過秋防別聽候朝廷指揮所有將來四月孟夏朝獻伏乞朝廷取旨施行詔四孟朝獻依已降指

擇就明堂行禮殿設位仍分作兩日行禮

三月六日禮部太常寺言勘會四孟朝獻分作兩日行禮若依先貼定圖本第一日詣聖祖天尊大帝位至章懿皇后位一十三位香案前行禮第二日詣元天大聖后至昭懷皇后位一十二位香案前行禮緣元天大聖后依禮例合與聖祖天尊大帝同日行禮今欲乞第一日詣聖祖天尊大帝位前行禮畢次詣元天大聖后位至章懿皇后一十四位所貴行禮順序詔依

同日御史臺言契勘自來每遇四孟朝獻依禮例用大卿監趨赴陪位立班目今止有大理卿一員今相度欲乞用少卿監趨赴陪位立班候車駕回鑾或卿監員數稍多日申取朝廷指揮依舊詔依

二十七日閤門言將來孟夏朝獻聖駕詣行禮殿行禮并禮畢還內止由常御殿過宰臣以下從駕應奉前導陪位官并管軍禁衛班直行門祇應人等并於常御殿起居訖由南宮門外便門入詣行禮殿俟班定小次門閤門奏班齊太常寺奏請行禮俟畢小次奏禮畢宰臣以下並從駕應奉官以下禁衛並先退更不賜茶亦不喝賜茶及依閤門令行禮畢次日作歇泊假一日今後准此詔依

四月十六日大內鑰匙庫奏太常寺關凡遇朝獻日依旦望例早一刻開皇城門本庫契勘欲依所乞奉御寶批依奏

二十日臣僚上言臣竊惟四孟朝獻於祖宗禮也陛下

以神御遊在海邦怵惕以思蒸嘗在念爰降詔旨遇四  
孟權於明堂殿設位行朝獻之禮尊祖宗致孝敬也臣  
伏見孟夏屆時行事有日神靈歡喜苾芬共饗惟惠恭  
皇后於祫饗則祔祭於朝獻則弗與議者謂道君皇帝  
朝蓋有惠恭皇后別廟遇太廟祫饗則祔於祖姑惟景  
靈宮朝獻則無祔祭之文為其有嫌爾然是時既有別  
廟則歲時祭饗實未嘗廢朝獻之禮雖闕可也況時異  
則事異事異則禮異禮以義起貴於從宜惠恭皇后於  
道君皇帝則夫道也在當時以嫌禮或得而畧於陛下  
則子道也在今日雖以嫌禮亦不可廢且祭不欲䟽䟽  
則怠怠則忘替四孟之饗而止三年之祫幾於䟽且怠  
怠矣今若設位於明堂殿祔祭於祖姑陛下躬行茲禮

似亦無嫌伏乞下太常寺討論典禮貴於適當或且依仿禋饗禮例以為權制異時中原平定復行別廟之儀詔令禮部太常寺同共討論聞奏謹按禮記祔婦於祖姑以昭穆同也曲臺禮別廟后禘禘饗祔太廟祔廟之意也太祖朝有孝惠孝章皇后太宗朝有淑德皇后別廟禘食太廟之禮故太觀中用祖宗典禮有惠恭皇后別廟自是於太廟禘饗有祔祭之禮於景靈宮朝獻無祔祭之文蓋在道君皇帝義可畧也至於今日則祭饗之禮不可廢今討論欲依臣僚所請每遇四孟朝獻設惠恭皇后位祔於祖姑之下異位少却皇帝躬行朝獻之禮詔恭依

二十二日閣門奏奉聖旨二十三日孟夏朝獻行禮令



閣門官已下於二十二日赴行禮殿相視值兩立班去處先次施行今相度到下項 一小次乞移就殿東壁踏道下少東釘設自小次設黃道至東踏道上 一參神乞依例於殿東踏道下設拜褥 一常御殿霑濕御輦更不入殿排設禁衛班直等並上廊 一常御殿起居班並南廊司 一宰臣已下陪位應奉等官合入殿人起居退並乞入南宮門外新置便門赴行禮殿兩壁分班陪位合侍立官等歸侍立位如不值兩亦與新置便門 一排立禁衛如值兩禁衛更不入此令行門親從入殿今於幕幄兩壁排立如已排立入兩禁衛先退止行門親從依舊 一侍立舍人於御幄南少後侍立詔依

七月十日閤門奏契勘將來孟秋朝獻其日皇帝常御殿坐朝退至行禮殿小次或值雨其陪位班等併禁衛上廊皇帝合由東廊於朵殿下參神辭神太常卿合於廊上面西奏請閤門官廊上前導如至時更有妨乞臨時隨宜施行奉旨依尋闕太常寺照會本寺赴行禮殿相視若值雨令太常寺於御幄之後西向奏請其所設御座却背祖宗神御竊恐未便今相度至日皇帝入御幄若值雨即乞御座西向更不移易只令隨宜南向奏請於禮順便詔依

六年六月二十四日太常少卿何慤等劄子勘會四孟月皇帝行朝獻之禮是日合赴陪位官先詣常御殿起居訖徑赴行禮殿陪位以俟皇帝過殿行禮至禮畢皇

帝還御幄陪位並前導應奉官班即先退于禮未順今欲乞自今後每遇朝獻行禮畢皇帝還御幄太常卿奏禮畢恭候皇帝還內訖陪位併前導應奉官班方退詔依

八年二月二十八日太常寺言檢准三月十六日太常少卿蘇符等劄子勘會已降詔巡幸今後遇四孟朝獻令温州依舊例差官排辦行禮俟還臨安府日依舊契勘係在徽宗聖文仁德顯孝皇帝顯肅皇后服制之內所有四孟朝欲乞比附國朝故事行在設位分命行禮今具合申請事件一朝獻行禮日欲乞依自來分詣禮例皇帝前後殿不視事一合用御封降真香乞從本寺具數闕報入內侍省請降一乞依例分作兩

日行禮

一今來孟夏朝獻分命欲乞差宰執二員

一合用供養牙盤食茶酒果釘設帷次及應合排辦事件並乞闕報天章閣并合屬去處施行詔依

九年三月二十二日太常少卿周葵等言依祖宗故事塑製神御畢迎奉赴景靈宮奉安以後遇四孟月車駕親行朝獻之禮今見塑製徽宗皇帝顯皇恭皇后顯肅皇后神御合候畢工迎奉了日方行朝獻之禮又緣昨因臣僚陳請已添設顯恭皇后神御附於祖姑之下今欲乞自將來孟夏為始不候塑製神御畢工依次添設徽宗皇帝顯肅皇后位行朝獻之禮詔恭依

二十三日禮部太常寺言勘會四孟朝獻昨在徽宗皇帝顯肅皇后服制之內差宰執分詣今來四月一日從

吉所有將來孟夏朝獻欲乞親行朝獻之禮詔依令太常寺擇日取旨

十年正月六日太常寺言准內侍謝安常劄子奉聖旨指揮太常寺孟春朝獻今月十一日為哲宗皇帝忌前可改作九月十日

三月十四日禮部太常寺言今來塑製徽宗皇帝顯恭皇后顯肅皇后神御畢依已降指揮於內中天帝閣西權奉安契勘見今每遇四孟朝獻於行禮殿設位除第一日第二日依舊行禮外內第二日設徽宗皇帝顯恭皇后顯肅皇后位緣已塑製神御畢依禮例合詣神御前行朝獻之禮欲乞第三日車駕自常御殿乘輦詣天章閣西神御殿行朝獻之禮詔依

四月三日閣門言奉聖旨蓋夏朝獻車駕詣承元殿順承殿行禮為此步窄隘承元殿陪位官隨宜趨那於南廊殿門道及殿門外立班順承殿止令宰執使相太尉過本殿陪位餘官更不移班今後准此